

VERTEX



YEAR BOOK
2021-2022

VERTEX, House II SA., HKUSTSU

Editor's Notes

疫情轉眼已經持續兩年，社會狀況亦每況愈下，本應多姿多彩的大學生活，變成冷冷清清的網上課堂，令人十分惋惜。於翹峰而言，許多傳統活動在疫情下更是數年無法舉辦，但幸運的是，我們在這年任期當中有機會重新復辦某些活動，可說是為翹峰人重拾了以往的美好回憶以及向下莊重新訂立目標。

當然，在疫情之下，我們曾遇到不少難關，也需不斷更改計畫，但幸得翹峰人的支持和建議，我們才能為大家帶來精彩的活動。

在閱讀這本年報時，希望大家都能找到自己的身影，而翹峰會是你大學生活中的一段珍貴回憶。

VERSATILE即將卸任，希望新一屆翹峰莊VERIEGATE.

能夠準備就緒，把翹峰精神繼續傳承下去。

憑藉你們的滿腔熱忱，相信你們能夠逆境自強，譜寫出一段屬於自己的歷史。

早餐

Internal Vice-Chairperson

VERTEX, House II SA., HKUSTSU,

Session 2021-2022

Content

Functions Review P4-8

Floor Committee P9-10

Welfare Products P11

Promotion Period P12

*Speeches
from EX-CO P13-16*

Functions Review

Joint House Sports Competition



冇玩幾年嘅JHSC捲土重來喇！今年有唔少sportsmen返嚟幫我地打波，亦有唔少member嚟撐場！真係好多謝你地嘅參與啊！
「翻峰加油，翻峰好波」
伴隨著熱烈嘅打氣聲，sportsmen都玩得好開心，希望下年會喺度見到你地嘅身影啦！



每年6月都會係同翻峰畢業生離別嘅時候。今年我哋精心準備咗手工爆炸書同影片回顧比畢業生，裡面有佢哋喺翻峰相處嘅點滴，希望你哋將來睇翻都會諗起呢個大家庭。另外，哋仲有幸運大抽獎比所有參加者，真係人人有份，永不落空！
「二生二世翻峰人」
祝各位前程似錦，我地有緣再會！

Final Year Farewell Party



VERTEX

O'Camp
2021

最熱血Campfire

最有feel Party Night

最warm 姐各媽 & Freshmen

最癲 Mass Game, 房game, 酒game

28/8/2021-30/8/2021 三日兩夜



Orientation Week

今年我哋嘅O'Week Counter係Art Hall裡面舉行。適逢果陣仲係實體上堂，所以呢個counter迎接好多返學經過嘅翹峰人，同理仲令到好多FM認識到我哋。可惜果陣有人流管制，每次都唔可以有太多member聚集，但係都有唔少人買咗我哋全新嘅soc tee 同埋welfare package㗎！

店小二 開張

店小二又開張lu，意味住大家平時夜晚10點到2點可以落嚟2樓搵EX-CO買零食同埋吹水喇！喺開張果晚，我哋有好多刺激好玩嘅遊戲同埋一隻大乳豬，仲有兩位FM贏得我哋嘅22蚊coupon添！而在場嘅所有member都會有張2蚊coupon，所以大家都爭住喺果晚買咗好多零食，真係超級開心！



SINGING CONTEST

今年嘅Singcon有唔少solo
同埋組合踴躍參加，真係
搞到我哋嘅member聽出耳
油啊！係表演環節，我哋
仲有2+2位樓主一齊同檯
合唱，氣氛真係high爆！



峰林童話

HALLOWEEN JOINT FLOOR DECORATION



萬聖節又點會冇鬼屋
玩啊！喺10月29日
EX-CO同各個樓會
都將Hall 11佈置成
令人心驚膽顫嘅鬼
屋，令到成個hall
都充滿住恐怖嘅氣
氛。今年嘅恐怖童話
主題更加係嚇到所有
UST同學都連連尖叫！
除左同學仔，我哋嘅
RLO同埋Hall Tutors
都好賞面捧場，仲玩
到樂而忘返添！錯過
咗嘅你，下...年...見...

Sub-Committee Function

翹郎馬上峰



今年翹峰Sub-Com舉辦嘅活動，係以日本夜場為主題嘅 cocktail night。位位Sub-Com打曬咗，企喺大Dec面前，真係好sharp醒！除左精心調製嘅cocktail，我哋仲有刺激嘅遊戲時間、表演環節同好玩嘅攤檔，真係搞到 member樂而忘返啊！

樓會選舉



2-3樓 猛男會

4-6樓 美國派



7-8樓 修身堂

9-10樓 鳳凰寨

樓會活動



玩樓會又點會淨係得樓會選舉同埋鬼屋啊！
今年唔同樓會都有好多活動同聚會，
唔知大家仲記唔記得呢？
就等我哋回顧下樓會成員做左啲咩啦！



Welfare Products

今年我哋都準備咗唔同嘅welfare products, 例如翹峰人必備嘅soc tee, 讀書必備嘅soc紙, 同理住hall必備嘅翹峰拖鞋等等, 可以話係十分豐富。另外, 今年新增嘅兩個welfare package更係迎合到唔同member嘅需要添。未買嘅你仲唔快啲買? 手快有手慢冇啊!




Promotion Period

每年2月都會係Nom Cab精彩嘅Promotion Period。而今年嘅Nom Cab叫VERIEGATE, 係由詞語variegate改成, 意旨色彩斑斕, 代表每位成員都係才華洋溢。佢哋希望可以迎合到唔同member嘅需求, 令翹峰可以繼續薪火相傳! 佢哋成個2月主要都係舉行網上或者mixed mode嘅活動, 唔知大家又有冇曾經參加過呢?



Speeches

from EX-CEO



終於都落莊喇!! 一年嘅時間真係過得好快!! 但係依家睇番過往一年嘅經歷, 真係發覺自己同埋一班莊員都成長咗好多!! 由一開始八個人唔係好熟, 去到大家一齊面對各個挑戰從而互相了解、體諒, 最後變成好朋友, 相信就係哩個莊期最大嘅得著!!

莊期之間真係有好多困難, 兩年無搞嘅Joint House Sports, 對翹峰同埋我哋支莊嚟講真係好困難。喺觀眾同sportsmen都無乜嘅情況下, 搞起上嚟真係好令人心灰意冷, 自己都有想過放棄, 真係好多謝一班莊員互相支持, 咬緊牙關, 到最後都無放棄到!! 今年我哋已經多多少少develop 翻唔同嘅sports team, 有翻多啲人, 希望下莊可以繼續好好發展
VERTEX sports!!

今年O'Camp 亦係有著前所未有嘅做法, 突發事件好多, 但見到成個團隊臨危不亂, 成個O'Camp總算順利結束, 真係好感恩。

去到fall sem, 見到一班freshmen 愈來愈firm, 甚至對翹峰有歸屬感, 就覺得之前點辛苦, 點困難都係值得嘅!! 希望下莊來年好好努力!! 將自己喺翹峰體驗到嘅hall life, 帶俾下年嘅freshmen!!

話咁快就落莊喇。
呢年入面有好多高山低谷，
試過chur好多晚搞到嘢好滿意
嘅成品，試過好努力做一啲嘢
但得唔到好結果，亦都試過失
左狀態做唔好嘢，不過好彩
有一班莊員互相扶持，呢一年
先可以成功渡過。

作為一個IV，自問做得一般，但我都有盡我所能，所以
呢段時間都令我磨練咗唔少，得到咗唔少經驗。屢敗屢戰，
希望下莊們都會慢慢學到，keep住團火盡力做好未來呢
年，唔好放棄，我會支持你哋！而VERSATILE嘅大家，
一年莊員，一世「莊員」！大家落莊後忙得嚟都要得閒
見面啊！



Internal Vice-Chairperson
早餐




一年唔易又落莊，結果我又上莊。
睇返呢一年，我學到嘅嘢其實唔多，
又爛晒grade，又放棄咗robotics team。

但係我賺咗我支莊嘅人，
咁都已經夠賺了。

用一句總結：十年一覺揚州夢，
贏得青樓薄倖名。
下莊們，希望你哋生性性性，
做好支莊，做好關係。
未來，係你哋嚟啦。

External Vice-Chairperson
憂仔



呢一年過得好唔容易，面對疫情家庭朋友，處處都有新挑戰。所以好多謝我嘅莊員體諒及扶持，佢哋嘅循循善誘，亦都令我成長不少。雖然當中難免有不少拗撬，但亦都係依個過程令到我反思自己嘅不足。有時候，我真係好幼稚，慶幸嘅係我班莊員願意陪我一齊成長。雖然佢哋成日嫌棄我，但我都希望落莊之後，可以繼續一齊玩，一齊係 Hall 打邊爐，甚至一齊去畢業旅行。

除咗多謝 VERSATILE Fam 之外，我都好感激每一位幫過我嘅組爸媽同埋freshmen。O'Camp 個陣係我一生經歷過最chur 嘅日子，如果有組爸媽嘅幫忙，我唔會有一班咁Firm咁好傾咁好玩嘅組子女。另外，我覺得自己好幸運，身邊有一班比EX-CO更Warm嘅freshmen，大家真係好似一家人。每當我諗返起我哋大時大節一齊慶祝，一齊Hall Bin, 整曲奇餅, Ghost Movie Night, Halloween等等，以及嗰幾句咩「你跟我跟」「EX-CO 唔係笠水呀嘛」「行大埔仔」etc 我都會好開心好感動甚至有少少淚水咁，好慶幸可以同你地創造咁多美好回憶。想同你哋講嘅嘢，世界在變，但Tiff 想同你哋玩嘅心不變！！

最後祝大家落莊快樂，新莊上莊快樂！！

For every dark night,
there is a brighter day.



終於到咗完結嘅呢刻了。不捨，多多少少吧。
我哋呢八個人，由幾個人一頭霧水、懵懵懂懂
咁成莊，到依家互相嘴砲相互打鬧。

一路行來，有過爭拗、有過指責、都有
過退莊嘅說法。但睇住身邊班人一齊為
咗呢個地方而付出、犧牲，一步步見證
每個人同埋「翹峰」嘅成長，一點點目
睹下莊逐見離形，又點會捨得離開呢。
多謝大家呢一年來包容體諒我呢個不成
熟嘅小女孩。好多人都話「上莊」咁有
謂咁有意義，上嚟做乜？但其實另一面
嚟睇，呢個係屬於大學獨一無二嘅體驗。
仲有兩年，就要真正踏入社會了，何不
抓緊最後嘅青春，留翻段熱血嘅回憶呢？
多謝大家呢年嘅陪伴，我愛你哋！！



Promotion Secretary
Kawai



Communication Secretary
Monkey

莊員友誼永固！！希望下莊們
可以有一個精彩無悔嘅旅程！！

祝大家上莊落莊快樂！！



Hall Affairs Secretary
飛機

VERTEX YEAR BOOK

Address:
UG Hall II, HKUST,
Clear Water Bay, Hong Kong

Mailbox:
#44, Student Centre, HKUST,
Clear Water Bay, Hong Kong

Website: ugh2.su.hkust.edu.hk

E-mail: su_ugh2@connect.ust.hk

Facebook: House II VERTEX (社二翺峰) @HKUST

Instagram: [houseii_vertex](https://www.instagram.com/houseii_vertex)

Youtube: House II VERTEX